

EUSKADIKO FUTBOL FEDERAKUNDEA  
FEDERACION VASCA DE FUTBOL

## HAUTESKUDEEN ARAUTEGIA

### EUSKADIKO FUTBOL FEDERAKUNDEA

#### XEDAPEN OROKORRAK

##### 1 ARTIKULUA

Federakundeko hauteskundeak arautzeko onartu da honako hauteskunde araudi hau.

##### 2 ARTIKULUA

EFF-FVF ko Hauteskunde araua ondoko hauek arautuko dituzte: 2012.ko otsailak 19ko Eusko Jaurlaritzako Kultur Sailburuaren Aginduak, Eusko Jaurlaritzako 16/2006 Dekretua, Euskadiko Kirolaren 14/1998 legeak.

##### 3 ARTIKULUA

Hauteskunde-araudi honetan adierazten diren epeetarako, lanegunak baino ez dira kontuan hartuko, hau da, larunbat eta igandeak kontuan hartu gabe. Hauteskunde Arloetarako abuztuko hilabeteak ez da kontutan izaten.

#### I KAPITULUA : HAUTESKUNDE-PROZESUAREN BERRI EMATEA

##### 4 ARTIKULUA

Federazio honen egoitzan eta lurraldeetako federazioetako egoitzetan ere hauteskunde prozesuari buruzko dokumentazio guztia ipiniko da ikusgai iragarki-oholetan. Horrekin batera, hauteskunde-prozesuan eskumendun organoek hartzen dituzten erabakien berri ere emango da.

Hauteskunde prozeduraren dokumentu garrantzitsuen beharrezko diren adina kopia eskuratu ahal izango dute hautesleek. Federakundearen Web orrian argitaratuko da ere Hauteskunde Prozesuari buruzko informazioa, zeinak, Eusko Jaurlaritzako Kirol Zuzendaritzara bidaliko da

##### 5 ARTIKULUA

Dagokion unean izendatuko den hauteskunde-batzordeak bermatu egingo die federazio honetako afiliatu guztiei hauteskunde-prozesuari buruzko informazio nahikoa, dagozkien eskubideak erabiltzerik izan dezaten.

##### 6 ARTIKULUA

Federazioko idazkaritzaren bidez, zuzendaritza-batzordeak behar beste bitarteko material eta giza baliabide jarriko ditu hauteskunde-batzordearen nahiz hauteskunde-mahaiaren eskura hauteskunde-prozesua hedatu eta behar bezala gara dadin.

## II KAPITULUA: HAUTESKUNDE-BATZA

### 7 ARTIKULUA

Egoitza FVF-EFFrena bera izango duen hauteskunde-batza hiru kidek eta beste horrenbeste ordezkok osatuko dute. Zozketa bidez hautatuko dira hautagai ez diren hautesleen artetik, eta horien artetik izendatuko dira Presidentea eta Idazkaria, Estatutoetan ezarritakoaren arabera.

### 8 ARTIKULUA

Hauteskunde-batzaren zereginak ondoko hauek izango dira:

- a) Hauteskunde-errola eta egutegia onartu.
- b) Aurkeztutako hautagai-zerrendak onartu, hautatu eta argitaratu.
- c) Kasu bada, hauteskunde-mahaia izendatu.
- d) Aurkeztuko zaizkion aurkaratzeak, erreklamazioak eta eskaerak eta hauteskunde-mahaiaren aurkako errekursoak ebatzi.
- e) Aplikagarri diren hauteskunde-arau eta legeak interpretatu eta aplikatu.
- f) Boto-orriak, gutun-azalak, hautagaien zerrenden orriak eta beste edozein hauteskunde agirien ereduak onartu.
- g) Federazioaren egoitzatik kanpo egiten diren hauteskunde-ekitaldiak baimendu.
- h) Egiten zaizkion kontsultak ebatzi.
- i) Federazioaren diziplina-batzordeari hauteskunde-prozesuan gertatu eta federazioaren diziplina-espediterearen xede izan daitezkeen gertakarien berri eman.
- j) Aukeratutako hautagaiak aldarrikatu
- k) Hauteskunde-prozesuarekin zuzenean loturik dagoen beste edozein gairi buruz erabakiak hartu.

### 9 ARTIKULUA

Hauteskunde-batzaren saioak egiteko, nahikoa izango da bi kide bertan izatea. Kideetariko inor ere saiora agertzen ez bada, administrazio organoak hartuko ditu erabakiak premiaz, hauteskunde-batzaren oniritziarekin.

### 10 ARTIKULUA

Hauteskunde-batzaren erabakiak botoen gehiengoarekin hartuko dira, eta presidentek kalitateko botoa izango du. Aurkako boto partikularrak gehiengoaren erabakiak sor litzakeen erantzukizunetatik aske utziko du boto horren emalea.

### 11 ARTIKULUA

Hauteskunde-batzak berak hartutako erabakien aurka errekursoak egiteko egutegiko baliodun bi eguneko epea egongo da, eta batzordeari berari helarazi behar zaizkio. Epe hori erabakia jakinarazi edo argitaratu eta hurrengo egunean hasiko da. Errekurtsoen horien ebazpenei Kirol Justiziako Euskal Batzordearen errekurtoa jarri ahal izango zaie zazpi egun balioduneko epearen barruan.

#### 12 ARTIKULUA

Hauteskunde-batzaren erabakiak interesatuei jakinaraziko zaizkie eta, dena dela, federazioko iragarki-oholean argitaratuko dira. Hauteskunde-batzak, premiazko kasuetan eta kideen berariazko erabakiz, ohizko postaz, posta elektronikoz, faxez edo jaso izana bermatzen duen beste edozein bitarteko erabiliz jakinarazi ahal izango ditu erabakiak.

Kasu horretan, hauteskunde-batzako idazkariak dagokion akta idatziko du eta bitarteko horiek erabiliz igorritako jatorrizko agiriekin batera jasoko du.

#### 13 ARTIKULUA

Saio bakoitzari buruzko akta jaso eta parte-hartzaile guztiek sinatuko dute.

#### 14 ARTIKULUA

Hauteskunde-batzaren zereginen jardunak lau urte iraungo du, baina Batzar Orokorrak edo Zuzendaritza Batzordeak epealdi honetan ordeztu eta beste bat izenda dezake.

Irtendakoa Hauteskunde-batzak ihardunean jarraituko du hauteskunde-batzar berriaren izendapena izan arte.

### III KAPITULUA: HAUTESKUNDE-MAHAIA

#### 15 ARTIKULUA

Batzar Nagusian parte hartu eta hautagai izango ez diren kideen artean zozketa egindakoan, hauteskunde-batzak hiru kidez osatutako mahaia izendatuko du. Mahai horretako Presidente eta Idazkari kiderik zaharrenak eta gazteenak jardungo dute, hurrenez hurren, eta mahaia osatzeko kideetako bi bertan izatea nahikoa izango da.

#### 16 ARTIKULUA

Hauteskunde-mahaiak ondoko zereginak izango ditu:

- 1) Bozketak zuzen egiten direla jagon; horretarako, boto-emaitzen identitatea eta hautesle direla egiaztatu beharko du.
- 2) Emandako botoak baliodunak direla ebatzi.
- 3) Botoen zenbaketa egin.
- 4) Bozketan eta boto-zenbaketan jazotako edozein gertakari ebatzi.

#### 17 ARTIKULUA

Hauteskunde-mahaiaren erabakiak boto gehiengoaren bidez hartuko dira, eta boto berdinketa dagoenean, Presidenteak izango du kalitateko botoa.

#### 18 ARTIKULUA

Gehiengoaren erabakiaren aurkako botoek (aktan horrela jasota daudenean) ez diete erantzukizunik egotziko boto hori eman dutenei. Hauteskunde-mahaiaren erabaki guztien aurka errekurtsioa egin ahal izango da egutegiko baliodun bi eguneko epean. Epe hori erabakia jakinarazi edo argitaratu eta hurrengo egunean hasiko da.

#### 19 ARTIKULUA

Hauteskunde-mahaiaren erabaki guztiak interesatuei jakinaraziko zaizkie eta federazioaren egoitzako iragarki-oholean argitaratuko dira.

### IV KAPITULUA: HAUTAGAI ZERRENDA

#### 20 ARTIKULUA

Federazioaren hauteskunde -errola, lurralde-federazioen batzar nagusietako kideek osatzen dute.

### V KAPITULUA: IKUSKATZAILEAK

#### 21 ARTIKULUA

Hautagai-zerrenda bakoitza izendatu ahal izango dute ikuskatzaile bat bozketa eta zenbaketarako. Ikuskatzaileak adinez nagusia eta legezko eskubide guztien jabe izan behar du, halaber, hautagaiaren ordezkaritza izango du hauteskunde-egintza guztietan.

#### 22 ARTIKULUA

Izendapen hori notario bidez edo hautagai-zerrenda burutzen duen hautagaia bera federazioko idazkariarengana agertuz egin ahal izango da, eta bati zein besteari, ikuskatzailearen izena daraman idazki bat emango dio.

#### 23 ARTIKULUA

Ikuskatzaileek hauteskunde-mahaiaren ondoan egoteko eskubidea izango dute bozketa eta boto-zenbaketa egiten diren bitartean, eta aktan agerrarazi ahal izango dute edozein alegazio edo erreklamazio.

#### 24 ARTIKULUA

Federazioko idazkaritzak ikuskatzaileen izenak emango dizkio hauteskunde mahaiari bozketa egin aurretik. Ikuskatzaileek NAN edo antzeko beste agiriren bat erakutsi behar izango dute ordezkaritza-jarduna bete ahal izateko.

## VI KAPITULUA: ERREKURTSOAK

### 25 ARTIKULUA

Hauteskunde-mahaiaren eta hauteskunde-batzaren erabakien aurkako errekurtsuak Hauteskunde batzar berari helarazi behar zaizkio, Kirol Justiziarako Euskal Batzordearen eskumenekoak direnak izan ezik, baliodun bi eguneko epean Errekurtsuak idatziz aurkeztuko dira eta interesatuaren datuak eta, kasu bada, duen ordezkariak agertu beharko dira.

### 26 ARTIKULUA

Hauteskunde-batzak egutegiko lau egun igaro aurretik eman behar du ebazpena, errekurtsuaren aurkezpena izanetik.

Errekurtsua hauteskunde-egutegian adierazitako epean ebazten ez bada, ezetsi egin dela ulertu behar da, Euskal Kirol Zuzendaritza Batzordearen errekurtsu-bidea libre geratuko da.

Hauteskunde-errekurtsoei buruzko hauteskunde-batzaren ebazpenek federazioko bideak amaitzen dituzte eta Kirol Justiziarako Euskal Batzordearen aurrean errekurritu ahal izango dira baliodun zaspi egun epearekin.

Eskumendun organoen hauteskunde-erabakiak betearaztea hauteskunde-batzari dagokio, eta horretarako, federazioko organoen beharrezko laguntza izango du.

Hauteskunde-batzaren erabakiek betearazteko jitea izango dute.

Egintza jakin batzuk ezeztatzeak haiek eta irregulartasuna gertatu izan ez balitz bere hartan iraungo lukeen edukia duten tramiteak mantentzea dakar.

## VII KAPITULUA: BATZAR NAGUSIAREN HAUTAKETA

### 27 ARTIKULUA

Lurraldeko federazioetako batzar nagusiak hautatutakoan, eta hurrengo hiru egunen barruan, federazioko presidentek, edota bere ordezkari izendatutako presidente ordeak, edo Zuzendaritza Batzordeak, erakunde horretako hauteskundeei ekiteko behar diren tramiteak hasiko ditu. Horretarako, hauteskunde-batza deituko du prozesuari ekin diezaion, eta zuzendaritza batzaren gainerakoa bezala, jarduneko izango da.

### 28 ARTIKULUA

Hauteskunde-prozesua hauteskunde-batzak egutegia egin eta onartzean hasiko da, urte olimpiarraren hurrengoko urtarrilaren 31 baino lehen bukatuz.

Jarraian, federazio honen batzarrean estamentu bakoitzari dagokion ordezkari kopurua esleituko du hauteskunde-batzak lurraldeko federazio bakoitzerako. Hori zehazteko, lurraldeko federazioek euskal federazioan erroldatutako guztiekiko estamentu bakoitzerako duten afiliatu kopurua hartuko da kontuan. Ordezkari-esleipen hori hauteskunde-egintza bat izango da dagozkion ondorioetarako, hauteskunde batzar aurrean errekurritu daiteke.

29 ARTIKULUA

Ordezkarien esleipena lurraldeko federazio bakoitzari jakinaraziko zaio eta federazio honetako eta lurraldeko federazioetako iragarki-oholetan argitaratuko da bost egun naturaletan zehar, hauteskunde batza aurrean egon ahal diren erreklamazioetarako.

30 ARTIKULUA

Lurraldeko federazioen batzar nagusiek, egutegiko hamabost eguneko epean, estamentuetako ordezkariak izendatzeko bozketak egingo dituzte berritu ondoren egiten den lehenengo bileran.

31 ARTIKULUA

Lurraldeko federazioetako batzar nagusiek hautatutako euskal federazioko batzar nagusiko kideek, aldi berean, haietako kide ere izan beharko dute.

32 ARTIKULUA

Bozketa hori euskal federazioaren batzar nagusiaren osaketarako hauteskunde-egintzat hartuko da, hortaz, haren lege-kontrola federazio honetako hauteskunde-batzari eta Mahaiari dagokio.

33 ARTIKULUA

Lurraldeetako batzarrek federazio honen batzarrerako ordezkarien hautapena bukatuta, hauteskunde batzak Batzar Nagusia osatuko dutenen behin betiko izendapena egingo du.

34 ARTIKULUA

Urtero, lurralde-federazioen beren batzarrak utzi dituztenen berri emango dute, egoera horrek Federaziaren Batza Nagusiaren osaeran eraginik badu, eta batzarkide berriak izendatuko dituzte.

**VIII KAPITULUA: ZUZENDARITZA BATZAREN HAUTAKETA**

35 ARTIKULUA

Batzar Nagusiko kideen behin betiko izendapena egin eta hurrengo egunean, hauteskunde-batzak zortzi natural eguneko epea emango du FVF-EFFko Presidente eta Zuzendaritza Batzarako hautagaiak aurkezteko.

36 ARTIKULUA

Hautagai-zerrendak, zerrenda itxiak moduan, Hauteskunde Batzaren egoitzan aurkeztuko dira xede horretarako finkatutako azkeneko eguneko 19,00ak baino lehen, hari zuzenduriko Hauteskunde Batzarrak ofizialki ezarritako idazki batean gauzatuko da. Bertan, kideen kopuru bikoitia, gutxienez sei hautagai eta gehienez hamalau zenbakiturik; bakoitzaren alboan, datuak, helbidea, herria eta jaiotze-data agertuko dira. Hautagai bakoitzak zerrendan agertzea onartu duela sinatu eta

izenpetu egin beharko du. Horrez gain, hautagaien NAN ere eman beharko da, eta zerrenda-buruak batzarkide izan beharko du.

Hautagai-zerrendak aurkeztutakoan ezin izango dira aldatu.

Zuzendaritza Batzordeko Hautagai-zerrendak, gutxiengo sexuaren aurkezpena izan behar du, zeinak berdindu edo gainditu behar du dagokion lizentzien portzentaia.

#### 37 ARTIKULOUA

Hautagaiak aurkezteko epea amaitutakoan, Hauteskunde-Batzak onartu ala ez erabakiko du bi baliodun eguneko epean. Hautagai-zerrendak onartu edo ezetsi izana errekurritu ahal izango da hauteskunde batzaren aurrean, bi baliodun eguneko epean. Horren gaineko ebazpena bi baliodun egunen buruan eman beharko du batzak, eta interesatuei hartutako erabakiaren berri eman. Hautagai-zerrendaren batek konpon litekeen akatsen bat edukiko balu, bi baliodun eguneko apean konpondu beharko dira.

#### 38 ARTIKULOUA

Administrazio organorako hautagai-zerrenda bakarra dagoenean, ez da bozketarik egin behar izango, eta hauteskunde-batzak hautagai-zerrenda irabazlea eta haren buru dena Presidente izendatuko ditu.

#### 39 ARTIKULOUA

Behin betiko izendaturik bat baino gehiago egongo balitz, Hauteskunde-Batzak batzar nagusirako deia egingo du ez-ohiko jitearekin. Batzarra hamabost natural egunen barruan egin behar izango da, eta haien arauzko eraketa eta, kasu bada, hautagaien bozketa egingo da. Deialdi hori hauteskunde-egutegian batzarrerako eguna zehaztuta egon arren egingo da.

#### 40 ARTIKULOUA

Batzar nagusia eratutakoan, hauteskunde-batzak hauteskunde-mahaiko kideak izendatuko ditu, araudi honetan xedatutakoaren arabera.

#### 41 ARTIKULOUA

Bozketa egin aurretik, hautagai-zerrenda burutzen duenak gehienez hamar minutuz hitz egin ahal izango du bere egitaraua azaltzeko.

Hautagaien mintzaldia bukatu ondoren, batzarkideek galderak egin ahal izango dituzte.

#### 42 ARTIKULOUA

Bozketa estamentuen arabera egingo da eta Hauteskunde mahaiko Presidenteak beren izenez deituko die batzarkideei; batzarkideak hautestontzira hurbilduko dira boto orria emango diote berak sar dezan.

Boto-orria eta gutunazala hauteskunde-batzak ofizialki onartutakoak izango dira. Boto-emale bakoitzak nor den ziurtatu beharko du dagokion agiria erakutsiz. Kluben ordezkariak ordezkartza horren ziurtagiria ere erakutsi beharko dute, zeinak klubaren idazkariak eman eta presidentek ontzat emandako izan behar

duen, bertan adierazi beharko baita nork duen erakundearen ordezkaritza legala, edota nork duen botaziorako ahalordea.

Batzar nagusiaren baitan ez da onartuko boto-esku ordezkartzarik ez posta bidezko botorik ere. Klub bateko ordezkari den ezein pertsona fisiko ez da beste klub bateko ordezkari izango.

#### 43 ARTIKULUA

Bozketa amaitutakoan, hauteskunde-mahaiak boto-zenbaketa egingo du. Ofiziala ez den orri edo gutunazalean emandako botoa ezeztatu egingo da, bai halaber gutunazalik gabeko orria eta hautagai-zerrenda desberdin bat baino gehiago dituen gutunazala ere. Hautagai-zerrendako orri bat baino gehiago dituenean, boto bakarra zenbatuko da. Hautagai-zerrendako izenak aldatu, gehitu, markatu edo ezabatu edo ordena aldarazi zaien orriak ere ezeztatu egingo dira, bai eta beste edozein aldaketa izan duten orriak ere. Orri zuria edota boto-orriarik ez duen gutunazala boto zuria, baina balioduna, izango da.

#### 44 ARTIKULUA

Hautagai-zerrenda irabazlea emandako boto baliodun gehien lortu duena izango da, eta zerrenda horretako burua izango da Presidentea.

#### 45 ARTIKULUA

Boto berdinketa dagoenean bigarren bozketa egingo da, eta bozketa horretan hautagai, boto berdinketa izan duten zerrendak izango dira. Berdinketak badirau, emakume bat lehen duen hautagai-zerrenda hautatuko da. Berdinketak badirau, Hauteskunde Batzordeak, gehienez zazpi eguneko epean, zozketa egingo du berdindutako hautagai-zerrenden artean.

#### 46 ARTIKULUA

Hautagairik aurkezten ez bada, Hauteskunde-Batzak hautagai-zerrendak aurkezteko epea zabalduko du berriro, eta ondorioz, egutegia aldatuko da. Bigarren epean ere hautagai-zerrendarik aurkezten ez bada, Hauteskunde Batzordeak egoera horren berri emango dio federazioaren jarduneko presidenteari, zeinak Ez Ohizko Biltzarra Orokor baterako deialdia egingo du federazioa desegitea erabakitzeko.

#### 47 ARTIKULUA

Bozketa amaitutakoan, Hauteskunde-Mahaiak botoen zenbaketa egin eta horren akta jasoko du ikuskatzaileen erreklamazioekin batera. Akta hori eta boto-orriak hauteskunde-batzari igorriko zaizkio segituan.

#### 48 ARTIKULUA

Egintza horretan bertan, Hauteskunde-Batzak hautagai-zerrenda irabazlea zein den adieraziko du. Zerrenda horretako burua Presidente eta gainerako kide guztiak Zuzendaritza Batzako kide izendatuko ditu.



#### 40 ARTIKULUA

Hurrengo bi egunetan, Hauteskunde Batzak behin-behineko emaitzak argitaratuko ditu FVF-EFF eta Lurraldeko Federazioetan. Emaitzok errekurritu egin ahal izango dira Batzaren aurrean bi baliodun eguneko epearen barruan, eta Batzak gehienez lau natural eguneko epean ebazpena eman eta behin betiko emaitzak argitaratuko ditu.


#### XEDAPEN GEHIGARRIAK

**Lehen:** 2012ko otsailak 19ko Agindua indarrean santzen denetik bi hilabeteko epean onartu beharko du Hauteskunde Araudi hau Federazioak.

**Bigarren:** Kultura Sailburuaren 2012ko Otsailak 19ko Aginduan eta hauteskunde-arauegietan ezarrita ez dagoena, Herri Administrazioen Araubide Juridikoaren eta Administrazio Prozedura Erkidearen 30/1992 Legean jasotzen diren printzipio eta arauen arabera arautuko da prozeduretan. Hauteskunde arloan, hauteskundeei buruzko legedi orokorrean jasotzen diren printzipio eta arauak ezarriko dira.

#### AZKEN XEDAPENA

Eusko Jaurlaritzako Kirol Erakundearen Erregistroan erregistro izen-ematea egin eta hurrengo egunean sartuko da indarrean Araudi hau.



PRESIDENTEA



IDAZKARIA